

南

廂

志

南雁志卷第三

事紀三

英宗睿皇帝

丙辰

正統元年春正月丁卯朔祭酒陳敬

宗初率師生詣禮部行朝賀禮

敬宗詩鼓角初嚴五漏傳龍亭

香藹御鑪煙青陽布德逢元日銀漢揚輝欲曙天響振珮環思入仗班聯鶴鷺想鳴鞭羣臣共賀齊天壽更祝皇圖萬萬年時南京羣臣議以行在將定鼎

車駕決不復南始詣部拜牌如外藩之儀

前此車駕北行

於闕庭遙拜已而陪祀于

孝陵

敬宗詩

高皇陵寢奠鍾山瑞氣長浮彩殿

天上瞻龍馭五十年前識聖顏自是歲以

一統山河傳萬世魏巍功德古誰攀

為常戊辰文武百官謁先師孔子退會于彝倫

堂與祭酒以下官交拜

敬宗詩車騎如雲滿路香爭看謁聖到虞庠

元辰不用呈椒頌新節偏宜舉相觴王帶錦袍相照耀鴈冠象簡總輝光眼中磊落多英俊獨

愧類齡遂讌五府九卿于東堂前此所未有也

乙酉吏部署部事考功郎中余可才建言會同

府部都察院遴選各官之有才能者存留治事

其剩員及老疾不職者通行分豁行在以聞

制曰可於是禮部移文本監稽審監丞以下官遵

洪武舊制皆額設如常惟司業不補二月丁酉

朔祭酒陳敬宗作祭先聖頌

頌并序正統元年春二月初吉丁酉

皇帝遣國子祭酒臣陳敬宗致祭于大成至聖
文宣王先期十日躬率百執事謹掃除嚴潔
凡在所當潔修者靡不齊力備舉罔敢或懈
壬辰散齋至甲午致齋日暴風雨雪甚兢惕
日了未晴齊又明日丙申日華宣朝敬宗與大
常御史禮官視牲惟謹是日夜陳品饌咸底豐
潔三鼓星彩燁煜微風不興燭華庭燎明晃如
晝文武百僚莫不肅雍三獻告具禮備樂和神
定散假倚敷盛矣敬宗竊惟自古國家之祀孔
子肇自漢沿歷於晉隋盛於唐又盛於宋元而
尤盛於今日蓋以孔子闡道德於六經垂法則
於萬世上而帝王倚之而立極下而臣庶由之
而立命故大賢頌其功賢於堯舜則所以未享
廟祀宜矣况國家尊崇之極至者哉謹三薰
沐而作頌曰於穆先聖道德巍巍百王之表萬
世之師作廟翼翼自古在昔有嚴祀禮式著典
則帝嗣正統初紀仲春祇奉明薦屬茲昌
辰赫濯既潔牲告具饗豆靜嘉品羞惟庶三
鼓戒嚴庭燎有輝百僚肅肅有來祁祁樂具入
奏維祝維敵笙鏞以間磬管鼗鼓登歌在壇

羽在庭穆穆有容喞喞厥聲玉璫黃琉璃夔夔素
絲將命對越獻奠聿祇有赫聖靈於昭于天
降鑒盼蜜如覩几筵維配維從亦曰歆止神其
醉飽錫我福祉維英奕翁歛厥車云邁天地同
帝秉誠聖靈咸通英奕翁歛厥車云邁天地同
極萬世末賴太常卿魏驥國學上丁紀事詩序
正統元年二月丁酉國子祭酒四明陳先生欽
奉先期於正月辛卯躬率執事者各蒞其事自辛
卯越丙申凡六日先生於其所事各有詩以紀
之迨丁酉禮成復繼之以頌焉富矣哉先生之
作足以見其敬以將事之至也國子監丞吳門
諸君實得其詩與頌珍儲於篋笥者久之一日
謂先生是作皆本之心術之微寅畏之至殊關
風教有不可與形容風雲月露者同道持以示
以盡其事故黍稷非馨明德惟馨凡事則不足
可盡其事故黍稷非馨明德惟馨凡事則不足
嘗不以敬爲主且先生生平於凡一動一靜亦
蓋言者心之聲以先生是詩觀之則先生之言

無一言而不主乎敬是則先生以敬而答
上命以敬而格先師也寧不於茲而可徵乎惟
事神國之大事有共敬則有其神人孰不知之
特臨事而致其敬者殊鮮今先生爲四方儒者
之宗人咸嚮仰之不暇使傳是詩於人人則知
祀神之事必有感發而興起之者其於風教
豈小補哉噫先生之詩隋珠卞璧也禮
有前輕驥序其首者亦乘韋之義云 壬戌擇
年深監生熊英等三百九十三人赴禮部轉送
北京國子監讀書遇歷事有闕兩京相叅取撥
選用已而省親祭祖等監生王信等三百三十
五人自言年深宐如前例行於是自永樂十九
年以前入監者不論坐堂告出通行起送以振
淹滯三月壬申行在兵部奏言清黃完備武職

詔命多未寫給宜於南北二監不拘資次選取能書監生八十人送行在與中書科相并書寫三年滿日照歷事監生出身以後照名撥補從之於是北監選得四十五人復奏請於南監選取三十五人以足其數從之甲戌行在禮部奏言副榜舉人年未及二十五歲不願就教職者廩膳生員送南北二監卒業增廣生員及儒士宜發還原學依親讀書以竣後科從之乙未下第舉人陝西楊鼎例當入北監自言願就南監受學於祭酒陳敬宗行在禮部以聞從之鼎不攜

一童以往清苦力學怡如也有郡守欲妻以女
敬宗與兵部尚書徐琦主其事鼎以不告而娶
卒不許敬宗彌美其賢夏四月己酉本監官折
色俸糧初用胡椒蘇木准鈔洪武年間京官俸
米俱係全支後因
營造北京通行減省南京文武官員二分支米
八分支鈔遂爲常例宣德十年四月禮部尚書
兼華蓋殿大學士張瑄題稱南京文武官員月
支俸給每石月支米二斗品級高者稍足食用
其七品以下支米數少各衙門雜職每月六斗
委實艱難乞令南京七品以下官照在京添支
先是未樂十九年欽定事例在京文武官俸
給一品至五品三分米四品至九品四分
分米六分鈔曾議以南京衙門事務簡少裁減
便益遂止尋以二京戊字等庫胡椒蘇木以十
分爲率八分胡椒二分蘇木胡椒每斤准鈔一
百貫蘇木准五十貫行移各衙門宣德十年分

俸糧折色鈔折關胡椒蘇木行本監隔過數目
各造冊繳部已而罷之是年閏六月都察院左
副都御史吳納題稱欲增癸亥以學正莊觀為
南京小官祿米亦寢不行

陝西按察司僉事提調學校馳驛赴京領

勅而行

勅書劄付本監知會舊志有今不載

初少師兼戶部尚書黃

福建言近年天下官藩臬郡學者不以作養人
才為重徒以徵科為急學校經年不暇考選士
子至有不通文學難以當官宜專設憲職提調
學校必選於衆文學才行兼備足為儀表者乃
可充之觀被論薦得與其選時以為得人
陳敬宗

行序

皇上

嗣登大寶之初少保戶部尚書黃公以學校不得實才為言

上命在外按

察司添設僉事各一市北直隸於巡按之外復
設監察御史各一在大臣會舉文學深博者
充其任俾不理他務職專促督所屬學校務求
實才而國子學正蒞公今陞陝西按察僉事正
其人也嗟夫學校不得實才豈獨學者自怠之
過哉師道不立所司姑息之政有以誤之耳國
家設科取士文學之優者爲進士文學之次者
爲敎官天下學者素怠而不勤而又以其次者
爲之師傳之以文學則慮已有所困而顯其短
急之以敎則懼彼有所怨而不親於是學者
厚致其意以求逸爲師亦厚致其愛而樂與之
俱逸棄其訓迪之方溺於荒蕪之習而於聖賢
經傳之學邈然若不相關逮夫科貢迫急然後
孜孜剝竊及於記誦校藝於所司則曰彼善
於此勿求其全也卒業於太學則曰進用有期
勿復苦之也歷試於諸司則曰勤苦至此在所
當矜也至於調選之際則又一切俯就雜用姑
吏胥之所能嗟夫施使安之敎以荒其脩用姑
息之政以勸其怠欲求天下學校實才之用難
矣哉宜乎下勞大臣之言上瀆

以實才之效。實望於公等也。公嘗典教於外庠。又嘗贊教於太學。師之不教。弟子之不學。公能深知其弊者矣。茲行也。務在革其弊而新其習。督勵懲勸。鼓舞作興。黜陟賢否。與時更化。使關陝之爲師弟子者。勇於進修。而樂於有成。則實才之效得矣。大臣之所薦聞。朝廷之所選用。公可無媿焉。公名觀。徽州人。端謹沉實。樂聞善言。今太常少卿魏先生多稱其德於其行。申以贈。夏閏六月丁卯。考正兩廡。從祀名爵位次。頒

圖于天下。學校用忠州學訓導宋廣言也。冬十二月甲申。直隸南陵縣學教諭任綸建言。歷代取士科舉得人爲盛。然業雖精專。時有利鈍。若韓愈、朱熹且猶下第。況餘人乎。近如翰林院修撰馬鐸始雖不利鄉闈。終取倫魁。御史張純輩

先不願除教職後自太學登第如舉人下第除
教職者果有豪傑之士乞照張純等例寄監讀
書以待再試如三試下第照歲貢出身從之

丁正統二年春二月

詔以宋儒胡安國蔡沈真德秀從祀先師孔子廟
庭秋九月癸卯

命翰林院檢討仍管助教事王仙會子旒入監讀
書初行在兵部員外郎俞英子端太醫院醫士
王文子謙俱乞恩得入北監至是旒援以爲請
上命行在禮部尚書胡濙試旒文字濙以文理平順

奏聞

上遂許之冬十月庚申工部右侍郎張順乞恩自言其子震素習春秋資質重厚可堪教養行在禮部以聞

上命震入監讀書十一月丙午南京守備太監劉寧等言辦事監生喻博等十人三年已滿請如行在兵部清黃事例撥歷出身從之丁未學錄李奎以考滿至行在被薦擢監察御史

戊午 正統三年春三月祭酒陳敬宗考績至行在遂

復職

大學士楊士奇送陳祭酒復職還南京片晉友陳君光世文學卓然而靖恭正直灑

落疏暢處人有誠也官翰林踰二十年升教南
京國子又十年矣自其改官而南凡翰林素交
或相聚計論傷諫未嘗不思光世蓋光世亦同
此心也今年春以考績來朝退而見其翰林
故人相控手慰藉喜色津津溢眉目遠卽建安
揚公聚奎之堂出所載江南嘉釀會者九人獻
酬交錯傾寫極歡既而光世奏最復任戒行有
日九人者復卽堂中宴餞之酒半建安公舉古
詩君子有酒八言爲韻偕江陵楊公共八人各
賦詩贈之而退僕序之夫朋友志同義合者也
久別而聚厚俎以相娛歌詠以相發情之正也
况贈言仁之事哉國家法古爲治興教育賢
治之首務而任於太學其所以命光世者蓋
舜之所以命夔也任甚重矣以光世之賢有不
夙夜匪懈以副君上之命塞朋友之望用
未終嘉譽也哉賢者任其事必盡其道善夫始
必謹夫終古詩人於贈歸之作蓋有戒夫修職
業者僕故竊取私義旣述其情而終以規大學
士揚榮分韻得君字詩考績新來謁以聖君
悠悠心事得重論未誇紫綬金章貴且喜丹心

素節存仕歷四朝名獨重望高六館德備尊東
風浩蕩門墻外桃李成沾化育恩學上王直分
謂得酒字詩別離兩京中帳望亦已久今年復
相見漸覺成皓首東風日載和好鳥鳴高柳殷
勤續舊歡托意在盃酒興言欲有報所愧乏瓊
玖引滿更酬勸願子百年壽居官既殊越豈能
長相守但當保令
德庶以慰衰朽

夏四月乙卯監生江清等十
人有罪送刑部治之初嚴安等一百二十三人
告願雜職出身行在吏部疑之行本監造冊呈
報中有清等坐堂未及一年奔競輒求雜職遂
逮送法司治罪五月辛亥

賜祭酒陳敬宗

誥命曰朝廷設太學聚天下之賢才而教育之以

爲致治之具其學官之長曰祭酒古大司成職也所以爲諸生之師資非道究乎先聖德加於多士曷克稱哉國子祭酒陳敬宗曩在翰林職修行立

先帝簡拔以副國子厥有成績遂進其官旣歷歲年勤誠不懈朕用進爾階爲朝議大夫賜之誥命以示褒榮朕方勵志興學以成俊造廣教化以復先王之盛而圖任舊人往懋乃績以觀厥成汝往欽哉秋七月祭酒陳敬宗言于

朝曰監生歷事以坐堂年月循次撥歷此成法也

近無志讀書者或因給假下第

省親祭祖丁憂送幼子等項給

引還家或因遠差及會試不中等項替回原籍

托故在家延住有違限

至十餘年者移文查催則買囑有司公然不到及至叩筭歷事年月將近乃捏取患病文書而來自以年深循次輪當查筭輒得撥去其實坐堂不滿二三年者有之其勤學者坐堂雖久入監在後反不得與撥於是勤者亦相倣倣習以成風此最當懲也自今撥歷惟計坐堂月日多者爲年深少者爲年淺省親祭祖者限三閱月丁憂者限二十七月并由服放還依親讀書限

自行取勘合至日爲始俱除水程外其遠差復命者自起程爲始往來限三閱月會試下第復監者自三月初一日爲始限四十五日如在途患病除准堪信文憑照官員赴任事例其月日隨地遠近准除外悉爲虛曠如此則撥歷有所憑據勤怠有所勸懲矣夫取撥歷事已有定制而乃不循次序輒求雜職如嚴安輩此等奔競尤當禁止自七月以來林溥等四十七人又具告效尤矣其懶怠無志有負

明恩士風不振豈細故哉宜令禮部嚴行禁戒違

者必罪容臣遵守成法循次撥歷則太學無奔
競之風而

朝廷有賢才之用矣行在吏部以聞

上是其言亟命行之虛曠有罰自此始遂置筭曠監
生八月丙辰編纂洪武以來并今見行事例分

爲吏戶禮兵刑工六類名曰條例用元氏縣學

教諭姚銘言也

禮部行移內外軍民衙門雜儒
學倉場庫務等一體將各奉行

事例纂成簿籍令掌印官收貯凡遇掌印官出
入更代等項務要沿相交割行在都察院轉行
巡按御史併提調學校副使等官巡歷去是年
處點視如有迷失及不纂者并罪坐所由

今膳夫以糧僉充者准諸司阜隸例一年一換

以事發充者不得用竊盜刺字之徒

己未正統四年春三月壬子監生楊鼎禮部會試中

式第一廷試第一甲第二

賜進士及第初鼎首舉于鄉至是行在有幾中三元之謠及入翰林爲編修時年已三十乃娶大學士楊士奇重其志行對衆每稱美之己未選用監生文學優長可任師儒者三百人

命吏部尚書黃宗載禮部右侍郎陳璉會同祭酒陳敬宗試其經藝於是宗載及璉旣至館于彝倫堂之東廳屏僕從謹封鑰命題鉸梓罔或弗

慎庚申清辰集諸生一千九百人合試于大成
門內之丹墀巡察防閑無異棘闈既乃登卷彌
封乃委博士助教王積等考其合程度者遵定
數送吏部選用黃宗載作詩紀事陳敬宗次韻
送上天夏四月辛巳令官生告入監者務須科
之句舉出身六月戊寅監生有違限及奔競告雜職
者俱援

詔書宥罪復監祭酒陳敬宗發遣其尤當斥者數
人由是諸生頗病其嚴然持身廉正竟無敢毀
者秋七月戊辰行在禮科掌科給事中劉海言

兩京監生經祭酒陳敬宗奏

惟惟計坐堂日期年深者取撥歷事則諸生有終
老於監不能任用者矣欲先將北監坐堂并在
京各衙門辦事及歷事監生會官從公選簡老
疾鄙猥不堪用者放爲民行在禮部以

宣宗皇帝舊有成命宜從海言併南監一體選簡
制曰可

庚申正統五年夏六月甲午

勅諭北京國子監官不務敬慎隳弛學規玩愒歲
月洪武永樂中六堂諸生咸有季試考第高下

以伸勸勵今南監尚循舊規北監廢而不舉此非掌教者之惰慢乎甚者惟利是營入監或一月或數月或一年二年卽得撥諸司辦事亦有遂出身者利之能移人也有坐監十餘年貧不得出身使之艱難嗟怨其寧忍乎且又與諸司交通凡辦事有闕干求撥補簡帖動至一二十紙則有勢力者終得之借曰爲勢所逼何爲不執以奏朕皆曲宥不問自今宜改過自新凡監學常行之規不許隳廢撥歷事者必依資次不許攙越辦事者亦須公當不許徇私但有私相

囑托聽從而不敢聞者必罪不恕以北監祭酒
貝泰多受贓賄故也行在禮部奏行南監一體
遵守從之冬十月丙申祭酒陳敬宗奏言天下
學校今專

命監察御史及按察司副使僉事督勵作養有年
而學者罔不銳志科目以圖進用然解額有限
請乞斟酌地方人材廣狹多寡暫寬鄉試解額
則勵志之士進身有階矣

上命行在禮部議之於是尚書胡濙等上議以爲正
統六年天下例當鄉試順天府解額已增至八

十名不可益矣惟應天府及浙江諸布政司宜如所奏量增舉人依期開試其所作舉業俱照洪武年間所取文字及原頒策式習學應試務須純實典雅不許浮華及敷衍問目有違程規十二月癸巳濙等以聞

上以應天府有監生入試增二十名天下教官員闕

既多監生能作三場文字考選充之於是吏部

右侍郎趙新禮部右侍郎陳璉復至監會祭酒

陳敬宗考試掄選云陳敬宗詩選試成均以棘

千載逢嘉會奎壁中天耀德輝盡使黃金起甕
礫肯教魚目混珠賤雲鴻自有冲霄志更得吹

噓乎奮飛甲午行在禮部言監生有妄求歷事出身

苟圖辦事安逸請托不行則詣行在通政司告
訴或至奏擾者謹按洪武十五年五月

勅旨毀辱師長及生事告訐者犯人杖一百發雲
南地面充軍已榜示矣今乃懷奸肆惡徇私利
己以圖倖進不特廢弛學規抑且有玷名教請
痛懲之於是

上命凡監生有不安分投托勢要妄求進用者從實

治罪一如舊制

是年奏准三法司寫本分巡一
年出身者於監生應該歷事內

取用兵部戶部清軍寫誥天財庫辦事三年出
身者於入監五年內取用印綬監清黃續黃三

年仍歷事共五年出身
者於入監三年內取用

酉辛正統六年春二月甲午祭酒陳敬宗以六載考
績詣行在二月壬辰吏部以雲南貴州廣東廣
西所屬闕巡檢吏目倉官驛丞先年有監生願
出仕遠方事例請以監生父淹年四十七八以
上者補之

上從其請於是就職遠方者監生杜以智等三百餘
人皆授官夏四月壬辰祭酒陳敬宗言于

朝曰釋菜所以展敬也而有司牲醴不加意廟學
所以隆師也而工部營繕不時修書籍所以載

道也而刻梓敝闕莫能完補臣奉職無狀竊思
欲行令禮部太常每遇釋菜前期祭品豫送至
監無待移文查催廟學房屋修理工銀不及一
百兩者工部以時補葺無待奏聞文獻通考等
書乃

朝廷備用書籍今既損闕宜令禮部委官盤點見
數轉行工部委官帶匠計料修補

上皆從之五月戊戌敬宗奉

命祭掃歸于慈谿

陳敬宗重遊東郭草堂詩有序
正統辛酉夏五月三日敬宗欽

蒙

聖恩賜歸故里祭掃既陞太宗伯秦和

王公武城王公翰林學士李公陳公太僕少卿

沈公禮部郎中養正黃公皆饒送于鴻臚卿楊
公東郭草亭各具酒榘而楊公復別設盛饌于
亭後之雅集軒軒亭左右有奇葩異卉清池怪
石之勝足以供遊觀之樂物和景妍心怡情暢
於是皆舉酒相屬曰足下畫錦之行今日飲不
辭予亦以為茲亭乃都城最勝之地而禮部翰
林又皆縉紳之極選况復得鴻臚之賢以為東
道主是誠斯文之希遇盛時之良會也乃遂劇
飲過量盡歡而別嗟夫蘭亭之羣賢畢集醉翁
之衆賓誼譁自昔相傳以為盛事以今觀之又
豈二亭可得而麗美哉因賦七言古詩一首用
紀一時之盛以傳示於後云草亭宏開帝城東
闌闌負隅幽徑通台榭拂翠萬柳鞦韆日簇錦
繁花濃我時承恩辭九重游蓋饒送皆名公紅
纓紫鞵玉花驄解鞍齊至亭之中玉壺葡萄瀉
綠醕况有內醴傾黃封鸞刀銀絲雪魚鱸雕盤
犀筋行馳峯軒中美景何昭融亭前佳氣尤鬱
葱鶯聲如篁燕語滑脩觴不用來歌童主人才
華吐雲虹高談滿座生清風驕騎載途樂未終
欲別更勸黃金鍾滁陽已嗟無醉翁會稽又嘆

流陽空何如效亭在都會勝事萬古傳無窮大
學上楊士奇送行詩迥迥不盡意能離難成
況于我素交俱屬衰暮年風遊玉堂署文彩金
琅玕瀟灑絕埃氛磊落出肺腑托好三紀餘貞
校見廣歲來升遷既退處懷思常漫漫北觀初盍
簪南顧遠回轅迢迢東海限邠山青鬱盤側側
念桑梓去承明恩良會後靡期晚秋八月壬
節道攸惇馳勉各自珍用副平生言

辰祭酒陳敬宗還任冬十一月甲午朔以行在

為京師大赦南京諸司印章悉皆新製初頒給

南京國子監銅印正字三百及典簿印文曰南

監典簿之印正字三百二十四號其舊印遣人送內府收貯

壬戌正統七年春正月乙亥祭酒陳敬宗奏言湯沐

孔希經乞恩入監奉

命務須科舉出身今累下第年歲已長必待中式則年已邁矣且家貧親老固報無路

上命入監十年之上者准照歷事例出身二月後湖查理黃冊取撥監生一千二百名三月辛未令下第舉人年未及二十五歲不願就教職者不分廩膳增廣儒士軍生吏員中式俱送監讀書夏四月甲辰祭酒陳敬宗奏言本監集賢門外有碑及趺石各一原爲永樂壬辰進士題名而設者

文皇帝取士八科獨此科題名未有請乞鐫立從之

五月己卯祭酒陳敬宗以簡出年老殘疾貌陋
監生謝理等十五人辭別涕泣惻然憫之乃奏
言臣聞政出有本事貴求源國子監生皆自府
州縣學貢于禮部翰林考中送監肄業則府州
縣學乃監生本源之地也計其廩養始將二十
年一旦簡黜則虛費多矣宜令提學憲官每三
年公同府州縣正官簡選人物俊偉及貌不甚
陋而文學優長者存留作養其老疾狠陋無文
學者黜退爲民則所貢者皆有用之才矣其已
送監及今後考中送監者免其簡選庶使一心

向學皆得進用

上是其言命都察院行之秋七月辛巳國子監祭酒
李時勉言歷事監生末樂間惟循入監年月次
第撥歷往歲祭酒陳敬宗奏准惟算坐堂年月
淺深其言已行矣然兩監仍以監生省祭丁憂
在家月日准作坐堂此所以延住至十餘年也
及其起程則捏稱丁祖父母或繼母嫡母憂府
州縣保送赴部復監即將取撥倣倣成風不可
遽止敗壞彝倫澆漓風俗惑亂人心莫此為甚
似此之徒不忠不孝難以任用雖犯在革前亦

宐罷黜請查勘在家丁憂三四次者悉放爲民
今後惟以坐堂年月深淺循序撥歷其省親祭
祖丁憂俱不唯作坐堂月日如此庶以革宿弊
息奸詐正人心而學校之政自修矣

上命禮部議以丁憂省祭一二次已復監者照前准
作坐堂月日自正統六年十一月初一日赦後
復監者宐准所奏俱不准算併行南監從之自
是依親侍親畢姻送幼子養病送喪等給假者
在家月日悉爲虛曠八月丙申禮部清理歲貢
生員入監違限三月之上者雖有患病阻風文

憑托故扶捏難以准信奏請照例送法司究問
制曰可冬十月丁酉祭酒陳敬宗奏言監生患病
數多宜令禮部行南京太醫院關與藥餌

上命禮部議以典簿廳令醫者往應天府惠民藥局
對證關藥醫治於事體爲便從之是年令監生
之家優免二丁差役

癸亥正統八年春正月甲子監生施紹宗等求仕遠
方吏部以無闕員且不爲常例移文諭之夏六
月己丑禮科都給事中胡清言監生丁憂省祭
類爲虛曠不作坐堂月日誠恐無知之徒將次

取撥匿喪不舉是廢孝也學校之教以明人倫所教者何事爲先是失輕重也縱有假作父母喪者行同狗彘不惟士論不容抑且有犯

國憲且不過千百中一二豈可一槩而論宜如舊例准作坐堂取撥歷事如此則入監有資次不至於混淆出身有規格實免於淹滯年將老者皆得效用於明時矣

上命禮部議以丁憂省祭等項不過限者俱作坐監月日其托故過限者雖有文憑不在

上是其言初陳敬宗李時勉先後建白監生多不遂

已私噂沓於言官故清有此奏然丁憂無一不
托故違限者故禮部知而委曲裁之清說亦終
不行秋七月乙亥南京守備太監劉寧言監生
許敏等十人辦事三年將滿宜照喻博等事例
歷事出身從之

甲子正統九年春三月癸丑

勅諭國子監師生

見諫訓考

夏六月甲辰翰林院考選

歲貢生員中式者趙渙等二百四十四人入監
讀書有不到禮部者抄單劄付本監收管秋七
月祭酒陳敬宗九年考滿復職遂還任是年南

京翰林院員闕日久助教向惟善以帶檢討銜得往署院事

乙丑正統十年春三月癸未會試下第舉人譚暉等二十六人入監卒業秋七月令生員四十以上者考選送監助教向惟善以南京翰林院有孔目在任以印還之會孔目復闕歸之吏部文選司主事王英英復推惟善仍署院事冬十月辛酉南京都察院右副都御史張純奏乞以子銘入監讀書許之

丙寅正統十一年夏六月助教向惟善以侍讀學士

周敘至院遂還任冬十二月戊申雲南民生段誠等六十九人例給冬衣南京禮部咨文不到於是南京工部奏請及時給賜且言沿途舖分司兵當究治如律從之

冬衣六十九套每套紅絹夾圓領一件藍絹夾

貼裏一件共一百三十八件

丁卯 正統十二年春三月己丑報效官生王旒自言

入監已十年欲照北監周錞等取撥歷事祭酒陳敬宗以旒與湯沐方張劉綬嚴威楊瓚等事體相同沐等皆遵

制十年之上方撥歷事而旒制限有違且又減寫

旨意請治其罪從之

戊辰正統十三年冬十二月令監生年淺者放回原學依親肄業聽取復班

乙巳正統十四年春二月丁亥祭酒陳敬宗奏言自古聖帝明王必有述作以垂憲萬世若虞夏商周典謨訓誥之文我

朝御製大誥五經大全爲善陰隲孝順事實歷代臣鑑諸書是矣欽惟

皇上以天錫之聖嗣承

列聖大統萬機之暇編集五倫

頒賜廷臣

聖有謨訓廣大如天地昭回如日星萬古盛典也臣
幸竊祿太學心切馳仰如蒙

皇上普施一視同仁之

恩頒賜太學俾六堂師生均得佩服

聖訓則彝倫由此而益篤教化由此而愈廣不特臣
與六堂諸生感恩之至而天下臣民亦皆懽忻
鼓舞咸囿於

聖化之中矣通政使司以聞

上命禮部與之壬寅

詔以博士助教學正等官教訓生徒每員給與阜
隸二名秋八月壬戌

上北巡狩留于瓦剌九月癸未

景皇帝卽位上

太上皇帝尊號冬十二月乙丑令南直隸府州縣歲
貢生員俱入北監讀書仍行南監循次取撥坐
堂監生一百人轉寄北監相叅撥歷先是監生
朱玉等一千五百六十五人聯名告稱永樂宣
德中兩監均取撥歷後因減省每年南監惟取
三百名更無別途以進北監旣取四百名矣復

有由寫誥清黃而出身者南監該貢地方八處

南直隸浙江江西福建

北監七處

北直隸河南山東山西陝

湖廣廣東廣西雲南

貴州

以南監九年計之則多北監三年之貢

而取用反少於北監諸生久淹至於衰老職此

故也於是禮部以適宜奏請乃下是令

景皇帝

庚午

景泰元年春正月甲午監生顧晏等言坐

堂及省祭丁憂依親諸生凡四千七百餘人歷

事每年惟取二百人十年計二千人其餘淹老

不能補報有負作養多矣夫留務雖簡如三法

司及兵戶工諸部事亦頗繁請量增名數歷事

禮部以定例不敢擅增罷之三月甲申監生蕭
信等一百人送赴京師入北監待撥夏六月丙
午

詔以邊圉孔棘生員納粟納馬者許入監讀書限
千人而止秋八月丙戌

太上皇帝至自瓦剌南京禮部會議撰賀表及箋移
文本監九月壬戌助教張惓朱希亮馮瑄劉俊
劉安止撰表箋五通以進冬十月祭酒陳敬宗
以年七十奏請致仕許之以翰林院侍講吳節

為祭酒

北監祭酒蕭鑑送行詩序是歲冬十月
南京國子祭酒陳公致仕 詔翰林侍

講吳節先生往代之時先生適考應天府鄉試
還復命未幾遽承恩旨於是凡交游之士
皆爲之喜曰吳先生斯舉吾輩與榮焉乃相與
卽故事分題賦詩送之而謂予宜序甚疾諸公
之於吳先生厚也然予讀詩有感焉大司成父
師之職朝廷委之以教化天下之士賴之以
甄陶其秩至清且尊也而其實有不然者一人
之身而簿書錢穀有司之事皆備生徒往往捨
筆硯而事趨走甚者亦有所營則挾利害以相
要從之則失己不從則失人雖欲矯然自立不
可得其冗且詘若此安在其爲清且尊也所未
知者南北監或有不可者耳往者古廉李公在
北監陳公在南監二公皆當朝夙望人所憚服
者然李公嘗言使吾爲順天府尹當綽然有餘
獨不能爲祭酒耳予始聞而疑之及公去而予
叨竊于此一日之間救過備敗之不暇然後知
公之言信况鴛鴦不及公萬萬乎今陳公旣去
而吳先生繼之陳公旣未嘗以爲難則南監視
北爲優可知也矧吳先生之才之識又過予萬
萬者耶竊嘗以謂凡士之能否階人之負荷有

力者雖舉百鈞談笑自若也而懈力者一鈞之
重日脅息盡氣不能及跬步其相去豈直倍蓰
什伯哉然則吳先生有力者也予解力者也予
老且病嘗以其情自陳旣蒙矜允而竟爲徒屬
所留雖強留于此知其不能自振也書矣則所
謂清且尊者非先生而誰望先生其亦思所以
副諸公之厚意可也予無以爲先生贈特因十
序詩而以所感者告之先生尚有以處我哉十
一月癸丑祭酒吳節履任集諸生諭之曰方今

聖人御極民物熙皞正爾士子學古入官之時也當
勤學業以事進修因詢事宜條陳以聞乙卯監
生徐福等四百三十一人皆放歸依親

辛未景泰二年春二月癸酉

勅諭國子監師生見誤考戊子祭酒吳節條陳國子

監事宜言欲作興士類修理學舍且額設膳夫三百名例以囚充近因囚徒日鮮供役不足宜如北監事例以糧僉兼撥又按洪武末樂中天下共爲一監諸生多而糧食廣故光祿寺寄官豕八十餘使膳夫豢之今南北分爲二監諸生數少一日之中米麩有限而所豢官豕猶夫舊也捐瘠陪償坐是逃避宜減省其半以甦困苦則人樂於充役矣從之於是合應天府屬縣編審均徭人戶充膳夫二百名其餘二百名仍以徒囚充役三月庚子朔工部言祭酒吳節奏稱

本監紅舍二十餘圈乃洪武中

孝慈皇后積糧以嘉惠監生之有家室者蘆蓆苦蓋容易朽腐宜易以陶瓦庶存懿德遺愛於萬年其意雖善但浩費必至勞民

舊制難以擅改惟行南京工部隨時修葺一仍其舊節又謂本監殿廡門堂坊牌號舍建自洪武歷七十餘年日漸頽損宜及是時量行修理此其言之可從者擬行南京工部會同靖遠伯王驥往審視而規度之節又謂本監成賢街舊有號舍六十六間以處監生之有患病者後因病

沒者多遂至荒廢宜於沿街空土一方改建復
字號以居師生而使病者處其後廂則人煙日
盛易求水火生全者衆矣此亦行南京工部體
勘改建若有窒礙卽宜停罷

上從其議夏五月辛亥官生張銘科舉中式會試下

第奏乞復監循次歷事出身從之秋九月博士

王積考績如學師

祭酒陳敬宗贈博士王積考

稷菴職三年行將獻績天官來祈言以自勗惟
博土之職道之所由寓也夫所謂之道也左倫資之以
也六經所載古聖賢相傳之道也誠身學者賴之以
敘五常藉之以明君子用之以誠身學者賴之以
以修業博士之六經而在六經而在六經而在六經
相傳之道不在六經而在六經而在六經而在六經

古洽聞多識履行清淳卓爾茂異有志於江師
道之責者莫宜居此漢之桓榮唐之韓愈宋之
胡安國輩可以無媿今希稷爲太學博士博士
秩正八品比之高官顯爵似未滿其才德然六
館多士英俊豪傑者數以千計有所述作必求
正於其師師正之而又合千人之所作送之於
博士博士通得考較而駁正之然後以其不合
於六經聖賢之訓者呈送於祭酒司業而捷以
懲之六館多士得自勵以進德修業者博士之
功居多然則師道之尊隆固不在於高官顯爵
之下夫君子明乎六經聖賢之道貴有所傳而
尤貴乎得其地博士爲率勵多士之職太學爲
英才都會之所孟子曰樂得天下英才而教育
之於此而不樂而有慕於其他則陋矣希稷之
志則不在於是也希稷自泰和司訓而擢今官
所謂通經博士洽聞多識者也所謂履行清淳
卓爾茂異有志於任師道之責者也使其行有
所弗怠焉則古人亦不難到匡贊裨益予亦有
所賴焉雖然志於道德者功名不足以累其心
志於功名者道德不足以累其心人固各有志

也予豈敢任一已之見以強人之志向哉在希
稷自釋而虞之何如耳於其有所請也申以贈
之時監水闕員祭酒吳節奏請量加積翰林職

名以掌其事

命擢積翰林院檢討掌監丞事舊例九載始加擢

積之遷前此所未有也

北監祭酒蕭鎡送王檢
計還南監詩序王君希

稷以南京國子博士滿九載上吏部前期祭酒

吳公言監丞之闕于
朝請量授君翰林之職

掌監丞事

詔從其請蓋君至則有

成命矣

君既謝遷職拜省其尊府即已忻然就道於是

凡官太學于此者總之若干人重斯文之義相

率作詩送之而屬予序初君之滿考也或言博
上陞檢討比然耳君冢宰令子因當異衆人
不宜拘牽常制俾鬱鬱在人下也或言君在國
子躬韋布之行卓然任師表革類推讓之其文
學通敏尤為時所重如是而不推選特陞陟士

之在下位者無所勸懲已及有今命則皆爲之
惜少而思之又皆大服冢宰公之公而嘆君之
善於自處也未嘗加分寸其間好事者猶不免
相揣度設或權少失守紛紛之喙其何以勝之
哉予於是不能獨服且嘆君父子間而又以念大
公之道不行也竊見在京諸司府自給事中御
史至郎署廷評以下遠者五七年近者四三年
輒驟然被推舉有超擢至列卿者方面郡守接
跡也而一居太學由學錄學正而博士助教由
博士助教而後始得從七品之秩雖有杰然過
二十餘年而後始得從七品之秩雖有杰然過
人之才莫得自異也往時行薦舉猶或有一二
得陞者比年以來推選之責一歸於吏部官太
學者孰肯爲之先容哉竊嘗思之非有他焉爲
其長之罪也使爲其長者有氣力言出而人信
之則固可以彈冠相慶也若予之鄙力既不足
以動人又不得與薦舉之列雖欲有言其孰從
而信之然予老且病行當去矣使後爲之長者
有氣力言爲人所信一以大公之道達于朝
由是太學之推舉得與諸司府齒諸公其不落

寔矣然則王君豈久淹者耶敬爲序以俟學士
李紹贖行詩後載橋門有令崇遠來薊北思何
如九重天上論功最八座堂前懸起居祖席月
明鴻影度官河風急柳條疎若爲別後思親處
客裏逢人 冬十月甲申南京工部左侍郎吳政
數寄書

會同總督機務靖遠伯王驥規度本監殿廡倉
舍具議以聞

上命工部尚書兼大理卿石璞等覆議於是會計物
料撥輪班匠量倩軍餘及均徭人夫朋以五丁
輪一興工修造委官督之十一月庚子議上從
之南京工部會靖遠伯議以大成殿後簷二層
并斜廊兩廡及樞星門三座碑亭二座內號
房一十五連紅倉二十餘圍外號西邊一十一
連東邊五連成賢街牌樓三座號房三間并街

東水磨房五間鼓樓西邊號房一百間及平字
號有看家小號房七十間病號六十六間俱各頽
朽今看外號房地方窄狹棟簷相接印今十間之
中止有二三間宜將外號西邊一十一連減作
八連每連二十一間減作一十八間又東邊五
連減作三連每連三十五間減作二十五間俱
添料與養病號房六十六間改作前後二連師
生及病者居住將合用物料開坐景泰二年十
月十九日通政使司官於奉天門奏奉 聖旨
工部知道欽此欽遵抄出到部覆議再詳前項
號房既稱十間之中止有一二空閒既多欲便
一槩修理不無虛勞人力欲不修理又恐倒塌
失其舊規合將原房量為減其間數有雷一半
拆却一半就用舊料兩間轉作一間兩連轉作
一連量起均徭人夫輪流應當欲行南京工部
會同靖遠伯王驥先將本監殿堂廊廡等項緊
要者於原會物料量宜減省關支修理其號房
間座俱以二分為率內減其一半止畱其一半
將拆下舊料轉用修葺合用人匠於輪班匠內

摘撥人工於丁多軍餘內量宜借備均徭人夫
朋以五丁一夫輪流應當不許靠損仍委廉幹
官員提督併工修造仍將修完間數及用過物
料數目徑自具由回奏具題景泰二年十一月
初六日本部官於奉大門
奏奉 聖旨是欽此 辛酉吏部奏言取選

考試監生艾濟文理不通發充吏役移文本監
嚴加訓誨諸生養成其材以資任用毋得曠職
從之甲子監生劉愷等六百五十人皆放歸依
親是年令法司凡監生詞訟不預己及因事連
逮輕者送本監自治

壬申 景泰三年春正月壬子初興工時委官工部主
事周賢提督匠作人等關支龍江抽分等局廠

窳諸物料已備乃自大成殿廡經始以及於號
舍夏四月壬午南京兵部移文本監凡離任官
員遺下卑隸送部改用如去任未久新官已至
卽轉撥與之丁亥南京工部尚書王永壽奏言
本部辦事監生收放勘合算查人匠票工月日
每季用十六人季終輒換以是不行用心難清
匠役請如歷事之例三月考覈待取選之日更
替從之五月庚申

詔停止工役工部奏以國學乃養育賢才之所今
若不修恐後益壞工費愈大此實不可罷者宜

令務在事完工省從之六月丁卯通政司掌司
事太子少保兼通政使李錫等言

皇太子正位東宮在外諸司當具奏啓近來多昧
事體輒具題本於

制有違今後奏本啓本俱令依式其具題非急務
者通行禁約違者治罪

制曰可於是禮部移文本監秋七月乙亥南京太
常寺掌寺事禮部尚書章文爲其子琮乞恩入
監讀書許之冬十月吏部移文本監令祭酒舉
保敎官文學優長才行超卓又有舉人例當陞

用者指陳實跡奏聞擢用後犯贓罪連坐舉主
以遵奉詔旨故也十二月博士劉昭考滿陞翰
林院檢討仍管博士事

癸酉

景泰四年春一月南京禮部爲存省京儲奏

將坐堂年深監生量存一千名在監肄業其餘
放還依親讀書遇有闕用循次行取夏四月南
京山東道行取刷卷監生范祉等一百名秋七
月癸亥禮部郎中章綸因黃河水汎漕運不通
京師久旱田禾大槁建言時務欲止納粟以抑
僥倖修學政以養人才

上命所司議而行之先是吏部尚書王直嘗言納粟

納馬生員入監本非舊制宜亟停止至是綸又

以為言禮部右侍郎姚夔深韙其說議上例始

尼不行冬十二月修理殿廡號舍工成十月修完殿廡

號房等房共一千三百八十一間座先後共支竹木磚瓦共三十六萬四千一百一十根片箇斤本監奏請翰林院官撰述碑文以紀其事從

之於是少保兼太子太傅戶部尚書文淵閣大

學士陳循奉

勅撰文見規制考是年令監生坐堂五年者辦事歷事

二年出身四年者三年出身三年者四年出身

一年二年者止令辦事不許歷事出身又令監生正歷一年三閱月寫本一年長差三年

甲戌

景泰五年春正月祭酒吳節三年考績如京師

南京翰林院侍讀學士邢寬署監事庚辰巡按直隸御史黃溥請罷舉人監生由服以廣科目由服者二十七月正服之外餘服程限也先是北監祭酒劉鉉奏稱監生有家在近京者當依親之時雖給文引仍在京潛住一聞行取不待勘到原籍官司輒詣部告病不曾還攬先復監亟求出身又有聞父母之喪托故在京守制及

由服未滿卽行起復速求利祿有傷風化請禁止之

上命凡監生犯此者到部卽送法司治罪自是舉人監生有由服未滿者不得會試故溥以爲言

上命禮部議之少傅兼太子太師禮部尚書胡濙等言自今後監生除正服滿外不問其由服程限內有無深淺到部者免問准令會試入監

上從其言三月甲戌南京禮部郎中黃瓚申明

舊制文武官員輿從出入引道俱照品級今六七品堂上官及僧道官俱乘四轎引道用隸二人

請行禁約從之於是禮部移文本監自四品以上宜遵

舊制儀從用引道二人五品一人餘不許若出郊在外則不拘此例夏四月丙申朝覲黜陟已竣事吏部具兩京堂上官以請

上曰此乃出自朝廷親擢者不必勅御史張瑄復建言欲將在京大臣黜一二人

上不從於是南京刑部左侍郎鄭泰復奏請別邪正以勵名節宜密遺清正人員廣詢博訪

上亦不從吏部移文兩京諸司知之時有窺伺祭酒

得失欲代之者故瑄等爲之謀以吳節持法太寬爲人所短故也時節適在京師讒亦不行丁未

賜祭酒吳節

誥命曰太學乃古成均之地祭酒實大司成之官履道德而示範模講詩書而專啓迪國所資者士有賴焉自非行足以正己而率人學足以授業而解惑曷足以膺是任爾南京國子監祭酒吳節擢自賢科累進榮於翰苑簡由朕命遂典教於上庠端慎周詳已著育才之效公勤穎敏

尤成興學之功眷茲行能宜有褒答特進爾階
朝議大夫錫之誥命以示寵榮於乎朕方圖賢
才而隆化理而宜悉心力以事甄陶往益懋脩
用光訓典欽哉冬十月戊戌汝陽大長公主孫
謝琰陳情乞恩入監讀書許之乙未翰林院檢
討管監丞事王積三年考滿至京師

上命署掌南京翰林院事先是掌院者例皆詞垣儒
碩而積自太學拔擢以往人皆異之積泰和人
以儒士舉爲邑學訓導存陞是職乃吏部尚書
直之子也十一月辛酉尚寶卿蹇芳奏言有弟

芬土木陣亡遺孤寔乞恩送南監讀書從之寔
尋告依親放歸

乙亥景泰六年春二月己卯

詔上下致祭兩廡從祀先賢增豕四棗栗各五十

斤黍稷各一斗鉶鹽五十斤用太常卿許彬言

故也

兩廡從祀先賢一百九人舊例止用豕二棗栗各二十斤黍稷每三升三合有零鉶

鹽共五斤十兩每事作一百九分至是增之兩監皆同三月戊午後湖查

理黃冊取撥監生八百名時在監坐堂人少移

文取依親監生以足之夏四月吏科都給事中

李瓚言欲考選天下生員四十以上者送監讀

書以振淹滯禮部議不可行

上亦以爲然

丙子景泰七年春正月戊寅司禮監太監興安傳奉

上命修造祭服南京禮部移文本監具數以聞如數

造給之二月庚戌祭酒吳節編南廳志成監生

姚淳捐貲梓行之夏六月癸丑山東道試御史

閻鼎言黜陟幽明乃國家勸懲之典進賢退不

肖實治道用舍之公然幽者黜之而明者未陟

則志士屈於下察不肖者退之而賢者未進則

仁者未興於高位今天下之廣或抱兼理之才

而終於郡邑或負超卓之行而老於令佐或有政事而困於教官或有廉能而淹於雜職薦賢之

詔屢下自非勢利不得與其選者多矣宜令在京堂上官并給事中御史在外責之巡撫巡按有不行推訪及舉主徇私濫舉者罪之吏部以聞上從其言於是祭酒吳節旌別屬官助教馮瑤等奏請擢之秋八月乙未雲南生張輔李敏告稱家本大理等府已經省祭依親到家又復行取程途萬里動經一二年之上方纔到監今坐堂將

及三年又當省祭往復艱辛請照北監祭酒李
時勉題准事例存留聽撥歷事南京禮部議以
省祭不必拘其已經幾次但該歷事期近者在
其存留聽撥若期尚遠者仍令照例省祭從之
已而瓊州生王昭例當省祭以坐堂年深歷事
期近爲言遂存留如例是年令雲南歲貢生改

送北監

英宗睿皇帝

丁丑

天順元年春正月壬午

太上皇帝復辟二月祭酒吳節六年考滿復職還任

學士李紱送祭酒吳先生復任詩序南京國子祭酒安成吳先生以經術行義教國子國子諸

生翁然尊師之於是既六年矣今年夏以考績
來京當 聖天子復大位進用儒臣以弘治
理之日衆皆期先生謂必蒙 恩命留館閣備
顧問而掌絲綸也 天子方且以先生老成
人宜久處師資須教化之成不宜煩以政乃仍
命復舊職俾還任先生行同邑士夫惜其不得
留以久相與處也相率餞之而各賦詩以爲贈
詩成謂予宜序首簡予憶自髫年肄先生忘年
交至于今蓋四十年餘矣初遊邑庠爲諸生既
登進士第選比二十八宿爲庶吉士入翰林爲
史官其出與處相去雖後先少差大約固相同
也中間雖而合合而離者亦旣數四矣然離不
歷歲踰時率必合合必居處同巷出入同朝遊
嬉同行問學同講論宴飲同好樂固未嘗一日
不與偕也自先生之南京會合日少而睽離日
多矣前三年先生雖嘗以滿考至至不數日而
去今踰三年矣復以滿考至至又不數日而去
欲求如昔時暫離久合從容宴遊之樂固不可
得矣離別之際亦豈能忘情乎哉卽諸君所以
賦詩之意其必有同於予之所感是宜其役勤

久復教去處之情致淵繆之意如此也然予聞
占之君子固有尚友千古神交千里者豈必同
時同處不相離而相合之久哉亦以其志合而
道同也吾鄉仕於京者故凡於出處去留之際
未嘗不以道德相勉以問學相規以功名事業
相期望固無非欲庶幾古人之義揆諸君之作
蓋又有得於此者可喜也矧出處去留其理無
常以先生之碩學宏德固將入居毗輔而非久
淹於外者則他日之復合而得以久處於此
是又有可必者因序諸詩姑爲是說以俟
三
月己丑今年深監生量數存留在監讀書聽撥
辦事其餘年淺及會試下第副榜舉人歲貢生
員初入監者悉放還依親以候取用擢留京儲
以爲豫備夏四月丙辰光化郡主子王達奏言
孤苦無倚粗知詩書欲照謝琰事例自備糧米

入監讀書

上許之六月丙辰南京兵部清理軍伍文冊取撥監生四十名三年滿日准其歷事送吏部循次選用秋八月癸巳赦監生之充軍爲民者冬十月己酉禮部議以今後在京三品以上官員之子有奏願入監讀書者務要科目出身不許歷事上從其言且曰國學乃育材之地今後不許濫進自是非三品子孫不得乞恩遂爲令十二月丁未宿遷縣學生員胡琮建言民情因稱正統己巳之變招集義旅至京勤王兵部發還原學乞送

監讀書以其故違臥碑發充吏役南京禮部移
文本監以戒諸生

戊寅天順三年春正月奏准本監六堂各置通知簿
以備查考撥歷夏四月癸未監生錢錫等奏言
父祖先任中書舍人員外郎等官正統末年迤
北陣亡蒙錄入監讀書照官生事例坐監十年
臣等思得官生見有父兄在任與沒干王事者
不同乞照依舉貢入監事例出身禮部議以錫
等所奏固宜准行但其中有未及十五歲者
上命年小者仍在監讀書二十以上者循次撥用五

月甲辰平江侯陳豫奏稱乞恩以弟祐入監讀書許之秋七月丁亥兵部奏准清理軍伍行南京都察院委御史往後湖將黃冊揭查軍戶取監生四百名照例給口糧本監仍量撥膳夫供給廩饌庚子南漳郡主子周境援王達事例乞恩入監未幾穀城郡主子魯琬亦援以爲言皆許之秋九月己酉

命工部右侍郎羅汝敬于政入監讀書冬十月丁卯

賜雲南民生楊萱等十五人冬衣是年令監生清

黃以三年爲限送吏部選用

卯天順三年夏五月甲申掌饌吳宗盛三年考滿
至京奏言洪武中設立國子一監官吏師生數
多會饌事務繁冗除掌饌二員今分南北二監
人少事簡每日會饌不過用米五六石宜照北
監止除一員將臣一員別用疏下吏部議以北
監停止會饌而南監不廢則本官未宜裁省移
咨南京吏部行令宗盛供職如故是時本監會
饌自景泰中爲乏柴薪亦已停止宗盛第假以
爲辭耳其後吏部亦照北監止銓除一員云六

月辛亥朔

命寧國大長公主曾孫梅俊入監讀書秋八月壬戌北監以依親監生在家丁憂或遭二次初不預申而年月多有接連者例准坐堂年月及至復監輒先撥去人心不平遂奏准令復班之後坐堂及辦事半年方許撥歷今後監生依親在家有丁憂者有司預申南京禮部若於起復之日始申者有司官吏及監生俱各究問甲子禮部行取景泰四年依親監生除官生未及十五歲者凡歲貢舉人乞恩報效納馬上糧等盡復

促令赴部復監冬十月己巳

命懷慶大長公主曾孫王隆入監讀書甲戌依親
監生季安於景泰五年上書右僉都御史韓雍
雍以故違戒諭罪之例當爲民以經赦復監肄
業

庚辰天順四年春正月祭酒吳節九年考滿復職加
三品俸遂還任時例當陞用朝論以難其人遂
視事如故秋八月令三品以上官子孫不許自
願入監

辛巳天順五年春三月令生員年四十以上者考選

送監秋七月戊申

詔南北二監坐堂歷事聽選記名等監生有願告歸者不爲常例俱與在外九品職名冠帶閒住冬十一月辛亥祭酒吳節奏言本監彝倫堂及六堂以至倉庫水磨內外號舍墻垣多有頽壞者請工修理

上命所司行南京工部尚書王永壽會同守備太監懷忠等往視度之會計庫廠場窄已無餘積乃行移應天府支給官錢令江寧上元二縣收買物料內外守備量撥軍餘直隸廬州府起倩人

夫一百名摘撥班匠二十名委官提調工部以
聞

制曰可

壬午天順六年春二月興工修理祭酒以下視事于
觀講堂冬十月令歷事監生三閱月考勤後仍
歷九閱月通前一年寫本者亦以一年爲滿
癸未天順七年夏六月修理工成秋九月辛酉歲貢
生員入監者湯寧等三十二人

甲申天順八年春正月甲戌

純皇帝卽位三月乙卯

詔曰兩京監生積滯數少今後諸司歷事考最勤
謹者再歷三閱月送部聽選其有願就教職及
雜職者聽若有不能出仕願告回家者俱與冠
帶閒住尋令正歷六閱月寫本八閱月長差一
年半夏四月辛亥停止南京浣衣局供需初水
磨膳夫例有洗下濕小粉百斤送

內府浣衣用至是掌饌吳宗盛使膳夫朱玉送往
浣衣局右副使阮浪交收後遂罷之秋八月戊
戌纂修

英宗睿皇帝實錄召祭酒吳節改授太常寺少卿兼

翰林院侍講學士充副總裁官節字與儉江西安福人以春秋學著名當世宣德己酉領鄉薦第一庚戌會試第二擢二甲進士高等選入翰林爲庶吉士擢編修九年陞侍講學者多從之遊於是天下稱春秋學者宗安福云出教南廡者十三年初陳敬宗以嚴毅爲教晚年益加峻諸生有不堪者節一切反之以寬其始兩京士夫稱譽謂得體其後士風不古多戾規矩或以咎節節曰書云敬敷五教在寬而禮謂嚴師非師自嚴上之人嚴敬之也訖不變至是老成凋

喪知典故者亡幾衆謂舉凡發例非得諳練者不可於是

召節乘傳赴闕改入翰林書成進本寺卿兼學士如故母王夫人年踰九十康健如少壯者節官南北奉以隨侍尋丁母艱服闋詣京謝葬祭

恩引年致仕允之家居十有餘年謝絕世事娛情詩詞卒年八十有五時纂修本監事類以備採者翰林檢討管助教馮瑤也冬十月以左春坊左贊善兼翰林院修撰劉俊爲祭酒